

SAXOVAT TADBIRLARI DAVOM ETMOQDA

Ma'naviyat va ma'rifat markazi Oltiariq tuman bo'linmasi tashabbusi bilan tuman hokimligi, tuman ichki ishlar bo'limi, Oltiariq tuman Davlat arxivi hamda umumta'lim maktablarida faoliyat yuritayotgan Ijodiy-madaniy targ'ibotchilardan iborat Ma'naviyatchilar guruhi Ramazon hayiti arafasida tumanda istiqomat qilayotgan Ikkinchı jahon urushi qatnashchilari Qahhorjon ota Ma'rupo夫, Abdusalom ota Nuriddinov, To'lanboy ota Shokirov, O'zbekiston Qahramoni, "Nurliobod" fermer xo'jaligi rahbari Lolaxon Murotova hamda 1-guruh nogironi, "Jasorat" medali sohibasi, iste'dodli shoira Sanobarxon Toshxo'jayevalarning hollaridan xabar olib, ularni bayram bilan tabrikladilar.

Ma'naviyat faollari o'chmas jasorat egalari bo'lmish Urush faxriylarini hamda o'zining ayol jussasida yuksak matonatni ko'tarib turgan muqaddas ayollarni tabriklab, o'zlarining ezgu niyatlari va dil izhorlarini bildirishdi.

Bugungi muborak kunlarga yetkazgani uchun, tinchlik va osoyishtalik, farovon hayotni taqdim etgani uchun avvalo Yaratganga shukronalar aytildi. Ko'pni ko'rgan, turmushning turli mashaqqatlarini sabr va bardosh bilan yengib o'tgan metin iroda sohiblari o'zlari anglagan hayot hikmatlarini mehmonlar bilan o'rtoqlashdilar.

Bu kabi saxovat, insonparvarlik g'oyalarini o'zida mujassam etgan tadbirlar yurtimiz uzra davom etmoqda.

[Bizni ijtimoiy tarmoqlarda kuzating](#)

[Facebook](#) | [Telegram](#) | [Telegram murojaat](#)

2022-05-04 15:43:40